



Inatsisartuni ilaasortaq,
Justus Hansen
Demokratiit
Maani/

Tasiilami suliffissuaq pillugu § 37 naapertorlugu apeqqummut nr. 167-imut akissuteqaat

Inatsisartut suleriaasianni § 37, imm. 1 naapertorlugu Tasiilami aalisakkanik suliffissuaq pillugu Naalakkersuisunut apeqquteqarsimavutit. Apeqqut suliaasaqarfigisannit akineqartussanngorlugu innersuunneqarpoq.

- 1. Tasiilami Royal Greenlandip aalisakkeriviata ingerlanneqarneerata tutsuiginassusaanik sunik Naalakkersuisut paasisutissaateqarpat?**
 - a. Uneqattaartarnera tunisinermut aammalu Tasiilap eqqaani aalisarnermut qanoq kinguneqarpa?**

1-imut) Royal Greenland A/S-p ilisimatitsissutigaa, suliffissuup CO₂-mik tunngaveqartumik nillartaatitsiveqarneranut qerititsiveqarneranullu attuumassuteqartumik aasap ingerlanerani marloriarluni ingerlatsineq unissimasoq. Ilaatigut ajornartorsiuteqarsimavoq, suliffissuup piginnaasaanut taamaalillunilu qerititsinermit piginnaasatigut periarfissaanut sunniuteqartumik. Qerititsivik piginnaasatigut pisariaqartumik ingerlasinnaanngippat, nioqqutissiassanik amerlassutsit kissaatigineqartut tiginissaannut qeritinnissaannullu suliffissuup periarfissai killeqarput. Taamaattumik ingerlatsinermit unittarnerit piffissani pineqartunit tunisinerup annertussusianut toqqaannartumik kinguneqarsinnaapput. Saniatigut Royal Greenland A/S ilisimatitsissutigaa, kukkunerit nassaarinialugit aamma suliffissuaq aalajaallisarniarlugu ingerlaavartumik sulillutik.

- 2. Suna peqqutaava, Tasiilami fabrikkip CO₂-mik aallaavilimmik qerititsiveqarnera allanik qerititsissutaasunik pinnani?**
 - a. Naalakkersuisut isumaqarpat, maannakkut qerititsissutaasartaq Tasiilami pissutsinut tulluuttusoq?**

2-mut) Royal Greenlandip ilisimatitsissutigaa, suliffissuup pilersinneqarnerani CO₂ toqqaarneqartoq ataatsimoortumik teknikikkut naliliineq aallaavigalugu. CO₂-mik aaqqiissuteqarneq ilaatigut nillartaatitsinermit qaffasissumik piginnaasaqarpoq assaallu atorlugit ingerlaavartunik aqutsinermit minnerusumik piumasaqaateqarpoq, soorlu assersuutigalugu ammoniakkimik tunngaveqartumik ingerlatamiit. Peqatigitillugu CO₂ ikuallajasuunngilaq aamma ammoniakkitut toqunartoqassuseqarani. Saniatigut aaqqiissuteqarnerup periarfissippa atortumi tassani nillartaatitsineq qerititsinermit ilaasinnaasut allanut naleqqiullugu inissamik killilimmik pisariaqartitsillutik. CO₂- atorlugu suliffissuup pilersinneqarneranut siunertaavoq, Tasiilami najukkami ingerlatsinermit pissutsit aallaavigalugit ingerlasinnaasariaqartoq. Royal Greenland A/S-p aamma ilisimatitsissutigaa peqatigitillugu ingerlatseqatigiiffiup paasigaa, aasaq manna

26-08-2026
17-08-2026
Suliap normua: 2026 - 15308
Akt normu: 26765882

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

ingerlatsinermi ajornartorsiortoqarsimasoq, taamaattumillu suliffissuup ingerlanneqarnerani aalajaannerunissap qulakkeerneqarnissaa sulissutigineqartoq.

Qerittitsiviit sorliit naleqqunnerpaanersut suliffissuup isummernini nammineq nalilissavaa.

3. Eqqortumik paasinninnerua, fabrikkip teknikkikkut ingerlanerata ilaa Danmarkimiit elektroniskimik aqunneqartoq?

- a. Qanoq Naalakkersuisut nalilerpaat piffinni internettikkut kipisaqattaartumik attaveqartumi teknikkikkut ungasianiik aqunneqarnera?
- b. Paasissutissat suut Naalakkersuisut kingoraartissanik pissarsisinnaanermut aammalu teknikkikkut upalungaarsimanerput pigivaat Tasiilami fabrikkip ingerlanera unissagaluarpas?

3-mut) Royal Greenlandip imaattut ilisimatitsissutigai: Naamik, suliffissuaq toqqaannartumik Danmarkimiit aqunneqanngilaq. Suliffissuaq Danmarkimiit elektronikikkut iserfigineqarsinnaavoq ilaatigut kukkunerit nassaariniarneri aamma teknikikkut tapersersuinissaq siunertaralugit. Ungasianiit isernissamut periarfissap teknikikkut kukkunerit sukkasuumik paasinissaat ilaatigut pisinnaanngortinnikuuaa qulakkeerlugulu, kingoraartissat eqqortut pissarsiarineqarsinnaanerat. Royal Greenland A/S-ip aamma ilisimatitsissutigaa, maannakkut ingerlatsinermi ajornartorsiutinut internetsikkut attaveqaat pissutaanersoq ilisimanagu.

Royal Greenland A/S-ip ilisimatitsissutigaa teknikikkut kingoraartissat atorsinnaasut Tasiilami suliffissuarmut nalinginnaasumik atorneqartut pigalugit. Atortut tamaasa toqqorsivimmiitinnissai naleqqutinngilaq imaluunniit aningaasatigut periarfissaqanngilaq, taamaattumillu kingoraartissat immikkuullarinnerusut pisariaqartitsineq malillugu pissarsiarineqartarput. Danmarkimiit suliffissuarmut elektronikimik isernissamut periarfissap teknikikkut kukkunernik nanisinnissaq ikorfartorpaa aamma kingoraartissat immikkut pisariaqartinneqartut paasinissaannut sukkasuumik periarfissillugu.

4. Qanoq Naalakkersuisut isummersoqatigaat Royal Greenland Tasiilami kipisaqattaanngitsumik ingerlatsinissamut aammalu tunisisarnissamut?

4-mut) Tunitsiviit ingerlanneqarnerinut akisussaaffik taamaalillunilu aalajaatsumik ingerlatsinerup qulakkeernissaa tunitsivinni namminermiippoq. Tunitsiviit taakkuupput, ingerlatsinerup aalajaatsup qulakkeernissaanut annerpaamik soqutiginnittut. Tunumi aaliarnerup ineriartornissaanut pilersaarut, piffissami 2024-2030-mi atuuttoq, naapertorlugu Tunumi sinerissap qanittuani aalisarnermut sinaakkutit pitsaanerulersinnissaannut tamanut atuuttumik Naalakkersuisut suliaqarput. 2025-mut nalunaarutiginninnerup kingulliup takutippaa, 2022-miilli tunisinerup annertussusaa 82 %-imik qaffassimasoq, taamaalillunilu 2030-mut ineriartortitsinissamut pilersaarut anguniagassatut aalajangersarneqartoq qaangereersimallugu. Tasiilami suliffissuarmik ammaaneq ineriartortitsinermut pilersaarutip anguniagaanut annertuumik tapersiivoq, aalisartut tunisinissamut periarfissaat annertusineqarmat.

5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

5-mut) Naamik.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq